



„გახსოვდეს ზისი გორისა ხანი!“

გვარი და ცრადიცია

11 (37)

ნოემბერი 2016 წ.

საქართველოს საგვარეულოთა კავშირის „გვარი და გვარიშვილობის“ სრულიად საქართველოს გვარის წინამძღოლთა დარბაზის საბჭოს გაზეთი

ქრისტიანის წოდება და მოვალეობანი

ქრისტიანს აზრ მხოლოდ აღმსარებლობა, აზამედ რწმენა და რწმენის შესაფერისი ზნეობა აქცევს ჭეშმარიტ ქრისტიანად (წმიდა ტინონ ზადონელი).

შეუძლებელია, იყო ქრისტიანი, თუ აზრ ცხოვრობ ქრისტიანულად.

ის, ვინც ჭეშმარიტად ქრისტიანულად აზრ ცხოვრობს, ზნეობრივი კერძობათაყვანისმცემლობის მდგომარეობაში იმყოფება. ის ან ქმნილებათა მსხვერპლია, უფლის ნაცვლად სიმდიდრეს ემსახურება, მუცელს აღმერთებს, ან ბირიქით, – საკუთარ თავს აყენებს კერძად და მსხვერპლად მოითხოვს ყველაფერს, რაც კი ამქვეყნად შობილა.

ქრისტიანული სახელი ქრისტიანული ცხოვრების გარეშე მლიქვნელობაა (წმიდა ტინონ ზადონელი).

რა ბედნიერი ვიქნებოდით, ძვირფასო მსმენელნო, ყველა ჩვენგანი წმ. ეგვტათივით გულმოდგინებით და ხალისით რომ ვეჭანებოდეთ ჩვენი ღვთაებრივი საწმუნოების მოძღვრების ცოდნას! მაგრამ ვინ თქვა ჩვენში ასეთი ხალისი! დიდს უმრავლესობას სრულებით აზრ-ვითარი ცოდნა აზრ აქავს საზარებისა და აზრც დაეძებს, რომ თდესმე მაინც გაეცნოს მას; ბევრს, თუ ყური მოუკრავს სადმე ქრისტეს თრი-სამი იგავისათვის, ეკლესიაშიც აღარ სურს მსვლა, – იმაზე მეტს ველარ გავიგონებ, რაც უკვე ვიცით (ეპ. ლეონიდე თქრობიძე)!
ქრისტიანო! იყავი ნამდვილი და აზრ მოჩვენებითი ქრისტიანი. აი, შენი ერთ-ერთი კანონი.
როგორც იუდა, რომელსაც ბოროტი აზრები, განზრახვები დამინები ჰქონდა, მოციქულის სახელმა ვერ დაიკვა მარადიული სასჯელისაგან, ასევე ჩვენ ქრისტიანის სახელი ვერ გამოგვისყიდის მსგავსი სასჯელისაგან, თუკი ცხოვრებას ქრისტეს სჯულის შესაბამისად აზრ წარვმართავთ.
მაღალია ქრისტიანის წოდება: ბევრი უნდა იმრომთ, რომ აღასრულო იგი.
ქრისტიანი, რომელიც ქრისტიანობაში ვერ წარემატება, ქრისტიანი აზრ არის.
ქრისტიანი აზრ უნდა დაკმაყოფილდეს იმით, რომ იგი მოკვდა კერძობათაყვანისმცემლობისათვის, ამა ქვეყნის ხმაურისათვის, მცოვრებისათვის, სიამაყისთვის და სხვ. ვისაც სურს, ძველი სამყაროდან ახალში გაეკროს, მისთვის საკმარისი აზრაა, ავიდეს ხომალდზე და გეზი ახალი სამყაროსაკენ აიღოს. აზრამედ მან განუწყვეტლივ უნდა იკუროს წინ, ვიდრე მართლაც აზრ მიაღწევს იმ ადგილს. სწორედ ასევე ხდება ძველ და ახალ ცხოვრებაშიც. თუკი ძველი ადამიანის გარეგნული ცხოვრება საჭიროებისამებრ განიწმიდა, ჩვენ უნდა ვეცადოთ, რომ სრულიად შევიძოსთ ახალი ადამიანი, სრულიად განვიწმიდოთ და გავნათლდეთ სულის შინაგან სიღრმეში. (წმ. ტინონ ზადონელი).

როგორ დავგინდა შობის მარხვა

27 ნოემბერი – 6 იანვარი

შობის მარხვა, ისევე როგორც სხვა მარხვები დადგინდა ქრისტიანობის უძველეს პერიოდში. უკვე IV საუკუნიდან წმ. ამბროსი მიდიოლანელი, ნეტარი ავგუსტინე და სხვები თავიანთ შრომებში ტომებში მოიხსენიებენ სამობათ მარხვას. V საუკუნეში ამ მარხვას ძველი წარმომავლობის შესახებ მიუთითებდა ლევ დიდიც. ქრისტიანობის საწყისებში შობის მარხვა ზოგან შვიდი დღე გრძელდებოდა, ზოგან უფრო ხანგრძლივად, 1166 წ. კონსტანტინეპოლელი პატრიარქის ლუკას და იმპერატორ მანუელის დროს დადგინდა, რომ მარხვა უნდა დაწყებულიყო შობის დღესასწა-

ულამდე 40 დღით ადრე ანტიოქიის პატრიარქი თეოდორე IV ბალსამონი წერდა: „მიუხედავად იმისა, რომ მარხვის ეს დღეები (მიძინებისა და შობისა) აზრ არის წესით განსაზღვრული, მაინც აუცილებელია მივსდით საეკლესიო გარდამოცემას და ვიმარხულოთ... ნოემბრის მე-15 (ახ. სტ. 28-ე) დღიდან.

შობის მარხვა ზამთრის პერიოდს ემთხვევა და ის ემსახურება წლის ბოლო პერიოდი სვანწმენდას.

ლევ დიდიწერს: მარხვა წელიწადის თხემდე დროს ემთხვევა, რათა მთელი წლის მანძილზე შევიცნოთ, რომ შეუწყვეტლად

გვჭირდება განწმენდა და რომ ამ გაბნეულ და არეულ ცხოვრებაში ვეცადოთ – მარხვითა და მოწყალებით გავექცეთ ცოდვას, რომელიც სხეულის სწინილებასა და სურვილთა არაწმინდობას ზრდის.

ლევ დიდის სიტყვებით, შობის მარხვა არის შესაწირავი ღვთისათვის – ნაყოფის მშვიდობით მოწვევისა და დაბინავებისათვის. ის ამბობს: „როგორც უფალმა გამოიჩინა წყალთა და მოგვანიჭა მიწის ნაყოფი, ასევე ჩვენს ამ მარხვის დროს, მოწყალება უნდა გამოვიჩინოთ გაჭირვებულთა მიმართ“.

დარი თხინვალი

საინფორმაციო ქრონიკა

– 2016 წლის 7 ნოემბერს წმინდა სამების საკათედრო ტაძრის ახალგაზრდული ცენტრის დარბაზში შედგა გვარების წინამძღოლების შეკრება.

გაიმართა ფილმის „გადავარჩინოთ ჩვენი ეროვნული საუნჯე“ ჩვენება. ეს ფილმი არის ერთობლივი ნამუშევარი საქართველოს საგვარეულოთა კავშირის „გვარი და გვარიშვილობის“, ბოტანიკის ინსტიტუტის და შავნაბადის მონასტერთან ერთად.

შემდეგ გაიმართა ახალი წიგნის „პური ჩვენი არსობისა“ პრეზენტაცია. მოხსენება გააკეთა საგვარეულოთა კავშირის „გვარი და გვარიშვილობის“ გამგეობის თავმჯდომარემ, წიგნის ერთ-ერთმა ავტორმა ბატონ ლევან ფრუიძემ.

სიტყვით გამოვიდნენ: თენგიზ მაისურაძე, ვაჟა ნადირაშვილი, ნიკოლოზ ბოლქვაძე, მიხეილ კვიციანი, ზაზა სულაძე. მათ მალაქა შეფასება მისცეს ამ წიგნს, აგრეთვე ისაუბრეს მათ საგვარეულო კავშირებში და რეგიონებში მიმდინარე საჭიროებო საკითხებზე.

– ერთი წელი გავიდა მას შემდეგ, რაც საპატრიარქო ტელევიზია „ერთსულოვნებაში“ შუადღის პროგრამაში ტარდება გადაცემა გვარების წინამძღოლთა მონაწილეობით.

24 ნოემბერს მოენყო შემაჯამებელი გადაცემა. გადაცემაში მონაწილეობდნენ: საგვარეულოთა კავშირის „გვარი და გვარიშვილობის“ გამგეობის თავმჯდომარე ლევან ფრუიძე, გამგეობის თავმჯდომარის მოადგილეები ვაჟა ნადირაშვილი და თენგიზ მაისურაძე, გამგეობის წევრი მარატ კიტოვანი.

მეფე ირემკლე მეტრეს დაბადების დღე



7 ნოემბერს სვეტიცხოველში დილის 10 საათზე ერეკლე II-ის დაბადების დღესთან დაკავშირებით გადახდილი იქნა პანაშვიდი.

ესწრებოდნენ ერეკლე II-ის შთამომავლები სამეფო სახლის მეთაური ბატონიშვილი ნუგზარ ბაგრატიონ-გრუზინსკი, მისი ქალიშვილი ანა, სამეფო სახლის კანცლერი ბატონი კახა ქორიძე, პარლამენტის წევრი ირაკლი სესიაშვილი, დელეგაცია თელავიდან საკრებულოს თავმჯდომარის მოადგილის გია გიგიაშვილის ხელმძღვანელობით, საქართველოს საგვარეულოთა კავშირის გამგეობის თავმჯდომარე ლევან ფრუიძე, გამგეობის წევრები ვაჟა ნადირაშვილი, თენგიზ მაისურაძე, წინო სულამანიძე, მერაბ ლეკვიშვილი, მარატ კიტოვანი, გვარების წინამძღოლები ფრიდონ ლოლაძე, თამაზ ჩიხლაძე.



ღიღაღი

შენ ღამესიზმრე წუხედის ისევ
გზა საჭურისკენ ხედმარჯვნივ უხვევს,
მეფერებოლად ნიავი მთისა
და ძმადნაფიცებს ვკოცნილი მუხებს.

უბოში ქათმებს უყრილი ხორბაღს,
მზეზე ეღვინებენ ჩხირები წინდის,

ღრო აბრუნებლად ცხოვრების ბორბაღს
მე ვფიცულობდი სახედს და სინდისს.

შორი ბავშვობა დაბრუნდა თითქოს,
ვინ იცის იქნებ არც ღირღეს შეყრად,
რისთვის მოველი ვინმემ რომ მკითხოს
თუნდ ამ სიზმრისთვის ცაღა და ქვეყნად.

ისინი მაღე დაბრუნდებიან



ისინი, ყოველწელს სტუმრობენ საქართველოს, მომავალ წელს კი სულ დაუბრუნდებიან თავიანთ საკუთარ სამშობლოს, რომელსაც ვერასოდეს გაცვლიან: „სხვა ქვეყნის სამოთხეზე და“.

გასულ წელს, მზია ბეკურაშვილი აქ ყოფნის დროს შეიტყო, რომ ჩვენი პატრიარქი, უწმინდესი და უნეტარესი ილია მეორე, გვარებს ლოცავდა. მცირე დროის მიუხედავად, მან შეძლო ის, რაც ვერ შეძლეს აქ მცხოვრებმა მისმა მოგვარებებმა. თავი მოუყარა ბეკურაშვილებს და დაალოცინა მისი გვარი სამების საკათედრო ტაძარში, სრულიად საქართველოს კათოლიკოს პატრიარქს, უწმინდესსა და უნეტარესს ილია მეორეს.

ისინი, მომავალ წელს დაბრუნდებიან. დაბრუნდებიან პირ-

ამ ოთხიოდე თვის წინ პრესა და ინტერნეტსივრცე დაიპყრო ინფორმაციამ იმის თაობაზე, რომ ჩვენი დროის გენიოსი მწერლის, გოდერძი ჩოხელის ვაჟს, ნიკოლოზ ჩოხელს, ჯანმრთელობის გაუარესების გამო დასჭირდა საზღვარგარეთ მკურნალობა, რაც გარკვეულ თანხებთან იყო დაკავშირებული.

არნახული თანადგომა გამოიჩინა ჩვენმა საზოგადოებამ. გამართეს საქველმოქმედო მარათონი, რომელშიც მთელი საქართველო მონაწილეობდა. შედეგი – დღესაც ნიკოლოზ ჩოხელი ავსტრიის ერთ-ერთ პრესტიჟულ საავადმყოფოში გადის რეაბილიტაციის კურსს.

ამაყი ვარ, რომ ამ საქმეში დიდი წვლილი მიუძღვით ამერიკაში მყოფ, ჩემს ქართველ მეგობრებს. ტრიო „მანგოლიას“ წევრებს მზია ბეკურაშვილს, ზაირა ჩოხელსა და მანანა ჩიტაურს. მათი ინიციატივითა და კომპანია „dancind crane“-სთან არსებული ქართული ცენტრის ხელმძღვანელების ამერიკელი ვიქტორ სირელსონისა და მისი ქართველი მეუღლის ლია ბახტურიძის მონაწილეობით ამერიკაში მცხოვრებმა, სხვადასხვა სფეროში მოღვაწე ქართული ემიგრაციის წარმომადგენლებმა, მსახიობებმა, პოეტებმა, მოცეკვევებმა ნიკოლოზ ჩოხელის დასახმარებლად გამართეს საქველმოქმედო კონცერტი და საკმაოდ სოლიდური თანხა გადმორიცხეს ნიკოლოზის დასახმარებლად გახსნილ ანგარიშზე.

არ არის ასე იოლი ამის გაკეთება უცხო მიწაზე, მით უფრო, ამერიკის სხვადასხვა შტატებში გაბნეული ქართველების თავშეყრა, მაგრამ მათ ეს შეძლეს იმ სიყვარულის გამო, რომელიც მომეტებულადაც კი აქვთ თავიანთი სამშობლოსა და თავიანთი თანამოძმეების მიმართ დროებით, მიზეზთა გამო, სამშობლოს მოშორებულ ემიგრანტებს.

გოდერძი ჩოხელის მეუღლემ, ქალბატონმა ნინო მელაშვილმა, ოჯახის სახელით მადლობა გადაუხადა მათ. მე კი მინდა, კონცერტში მონაწილე, თითოეული ადამიანის სახელი და გვარი გაცნოთ. ისინი ამას იმსახურებენ.

საქველმოქმედო კონცერტს უძღვებოდა, ჩვენთვის კარგად ცნობილი ცუცა კაპანაძე. მონაწილეობდნენ: მზია ბეკურაშვილი, ზაირა ჩოხელი, მანანა ჩიტაური, დავით ამბროსიძე, თენგიზ შაუთიძე, ბექა გოგინაშვილი, გიორგი იოსელიანი, მალხაზ მანგოშვილი, ოთარ გიგოლაშვილი, ირმა დვალისხილი, დავით გოდერიძე, თამაზ მარლიშვილი, ანი და კახი ბეგიაშვილები, ნინო ღარიბაშვილი, ნანა მეფარიშვილი, ანსამბლი „ზეკარი“, კიდევ ერთხელ მადლობა მათ.

ახლა ისევ ჩემი მეგობრების შესახებ.

სამივე მღერის, ასე შეიქმნა ტრიო „მანგოლია“ ამერიკაში, ზაირა ჩოხელი ამასთანავე, რადემენიმე სიმღერის ავტორიცაა. ამერიკაში წავლამდე გალობდნენ სიონის ეკლესიაში, მერე,



ცნობილ მომღერალმა დედა თათარაიძემ, მათთან ერთად შექმნა ტრიო „ჰანგი“, რომელთა მიერ მაღალპროფესიულ დონეზე შესრულებული ქართული ხალხური სიმღერები შეიყვარა ქართველმა მუსიკის მოყვარულებმა, მათ მიერ შესრულებული სიმღერები დაცულია საქართველოს რადიოს „ოქროს ფონდში“, „ჰანგს“, აღფრთოვანებული უკრავდა ტაშს უცხოელი მაცურებელიც, საფრანგეთში, გერმანიაში.

მერე იყო ამერიკა, სადაც წლებია შემორჩნენ. ზემოთ, ერთი მომენტი გავიხსენე, თანამოძმის თანადგომისა, ასეთი უამრავი მაგალითია მათ ცხოვრებაში, რომელზეც საუბარი და ხმაური არ უყვართ, იმ უბრალო მიზეზის გამო, რომ თანადგომა და ქველმოქმედება მზიას, მანანას და ზაირას თავიანთ მთავარ მოვალეობად მიაჩნიათ.

ნათელნი თავიანთ ქვეყანასთან, შორს, ოკეანესგაღმა რომ გაუთქვეს სახელი ჩვენს მრავალხმიან, მელოდიურ ქართულ ხალხურ თუ საესტრადო სიმღერებს. დაბრუნდებიან პირნათელნი იმ ადამიანებთან, იმ ოჯახებთან, მათი თანადგომით ბევრ გასაჭირს, რომ გაუძლეს, შესაძლებლობის მაქსიმუმი გააკეთეს იმისათვის, რომ გულში ჩაიკრას დროებით მიტოვებულმა საფიცარმა სამშობლომ.

ნუნუ ბრძელიშვილი
ჟურნალისტი

ქალბატონები – მზია ბეკურაშვილი, ზაირა ჩოხელი და მანანა ჩიტაური – საქართველოს საგვარეულოთა კავშირმა „გვარი და გვარიშვილობამ“, მათ მიერ გაწეული საქველმოქმედო საქმიანობებისათვის, დააჯილდოვა საპატიო სიგელებით.

არდოტის პირველმოსახლეთა პინაოზა

2015 წლის აპრილის გაზეთ „გვარი და ტრადიციის“ მე-4 ნომერში დაიბეჭდა სამოელ ზვიადურის წერილი სათაურით „სოფელ არდოტის მაცხოვრებელთა წარმომავლობა“, რომელშიც, რომ არაფერი ვთქვათ სტილურ, ენობრივ და კორექტურულ ლაფსუსებზე, გვხვდება მრავალი სახის ფაქტობრივი შეცდომები და უზუსტობანი. კერძოდ, წერილის ავტორი დიდი პათოსით აკრიტიკებს ნოკოლოზ (მურღვა) არდოტელს (იმხანად დედის გვარის - ზვიადურის მატარებელს), რომელმაც 1987 წელს მურღვათა გენეზისის შესახებ როლანდ თოფჩიშვილისეული მცდარი მოსაზრება სამართლიანად უგულვებლყო (იხ. გაზ. „კომუნიზმის გზა“, №100, №101).

საქმეში ჩაუხედავ მკითხველს უნდა ვაუწყოთ, რომ ეს კამათი ნოკოლოზ არდოტელს არ წამოუწყია, ამ სამეცნიერო პაექრობის წინაისტორია ასეთი იყო. 1987 წელს რ. თოფჩიშვილმა ერთ-ერთ სამეცნიერო კრებულში („ქართულ-კავკასიური ეთნოგრაფიული შტუდიები“, 1987, გვ.57) გამოაქვეყნა სტატია ხევსურული გვარების შესახებ, რომელშიც მურღვანი (მურღული, მურღუევი) სრულიად უსაფუძვლოდ და დაუდევრად გამოცხადებულნი არიან ლეკებად (მართალია, როლანდ თოფჩიშვილმა ამ მძიმე შეცდომის გამო ბოდიში მოიხადა, თუმცა ამ კვაზიმეცნიერულმა „ნააზრევმა“ ბევრ ავისმოსურნესა და არამკითხველ მოამბეს საღერღელი აუშალა). კერძოდ, რ. თოფჩიშვილი დაეყრდნო თავისი მთხრობლის, ბაბუტა ზვიადურის (ტენდენციურად განწყობილი „კურეტათ ბაბუტას“) მტკნარ სიცრუეს, თითქოსდა მურღვათ წინაპარი მათ მოეყვანოთ ტყვედ და მურღვანიც ამ კაცისგან გამრავლებულიყვნენ. ამაზე ითქმის: „ჩემი შენ გითხარი, გული მოგიკალიო“. მურღვათა ლეკური წარმომავლობის ვერსია სათანადოდ დასაბუთებით ჩვენს მიერ უკუგდებულია და აქ სიტყვას აღარ გავაგრძელებ (იხ. ნ. არდოტელი, ქართველური ონომასტიკა, I. თბილისი, 1998, გვ. 67-69).

ამთავითვე კატეგორიულად უნდა განვაცხადოთ, რომ სოფელი არდოტი ეკუთვნის როგორც მურღვათ, ისე ზვიადურთ, ვინაიდან მათ აქვთ საუკუნეობით თანაცხოვრების ხანგრძლივი ისტორია, კეთილმეზობლური და მჭიდრო (როგორც ხევსურები იტყვიან, ცულით გაუეჩი) ნათესაობა. უსაფუძვლო დავა ამის თაობაზე ერთხელ და სამუდამოდ უნდა შეწყდეს. ეს ეხება იმ მურღვათ და ზვიადურთ (ჭუკილნი, ქავთარნი, მგელათ ნაწილი), რომლებიც ბოლო დრომდე არდოტში მოსახლეობდნენ, ხოლო იმ პირებს, ვინც ანდაქარჭილოში გადავიდნენ და თავისი წილ-ნაწილი დედა-სოფლიდან – არდოტიდან გატანილი აქვთ, ხევსურული რჯულ-სამართლის მიხედვით, ტყის წვერთ ზემო ტერიტორიის, ჯვარ-ჯვრისკრისა და საფლავ-სამარის გარდა, აღარაფერი ეკუთვნით. პირადად ამ სტრიქონების ავტორს ცალი გვერდი მურღვათა აქვს, ხოლო მეორე - ზვიადურთა (მგელათა) და, ცხადია, არაობიექტურობისგან შორს დგას. მას მამიდაშვილი და დედიძეშვილი ზვიად-

ურები ბევრ ახლობელს ურჩევნია, მაგრამ ისტორიის გაყალბება არავის მიეტევება. გარდა ამისა, გვარ-სახელებს მეცნიერულად სწავლობენ ენათმეცნიერები და ისტორიკოს-ეთნოლოგები. არაიშვიათად ამ დარგებში გაუთვითცნობიერებელ ავტორებს ნებსით თუ უნებლიედ მოსდით შეცდომები ან განზრახ აყალბებენ ისტორიას, რაც შეუწყნარებელია. პირდაპირ განცვიფრებას იწვევს სამოელ ზვიადურის სათანადოდ არგუმენტაციას მოკლებული „მტკიცებულებანი“ ისეთი საკითხების შესახებ, როგორცაა არდოტის პირველმოსახლენი და მათი რწმენა-წარმოდგენები, მურღვათა და ზვიადურთა გვარების გენეალოგია და ა. შ. სხვადასხვა არქივებში დაცული იმ ზღვა ეთნოგრაფიულ-ენათმეცნიერული მასალიდან, რაც არსებობს, ზოგადად, ხევსურეთის, კონკრეტულად კი, არდოტის მკვიდრთა შესახებ სამოელ ზვიადური არაფერს იმონებს და ასე ზედაპირულად აყალიბებს შორსმომავალ დასკვნებს, რომელთა გაზიარება შეუძლებელია. ისტორიის გაყალბება კი ამძაფრებს ურთიერთობებს და არაკომპენენტურობა არც კეთილმოსურნე მოპაექრეს მიეტევება, მით უფრო სასულიერო პირს, ჩვენს სისხლსა და ხორცს - დეკანოზ სამოელ ზვიადურს.

შევეცდები ზემოხსენებულ ზოგ საკითხზე მოკლედ გამოვთქვა ჩემი თვალსაზრისი, ვინაიდან საგაზეთო წერილში ყველა პრობლემის დეტალური ანალიზი და მათი სათანადო მეცნიერულ დონეზე გადაჭრა შეუძლებელია, იგი მონოგრაფიულად კვლევის საგანია, რისი განხორციელება ახლო მომავალში ივარაუდება.

წერილობითი წყაროებისა და არქეოლოგიური მასალის უქონლობის პირობებში სოფლის პირველმოსახლეთა ვინაობის გასარკვევად მნიშვნელოვანია არა სათიბ-სახნავი მამულები, რომლებიც ხელიდან ხელში ყიდვა-გაყიდვით გადადიოდა, არამედ სოფლის განსახლების სტრუქტურა და ამ სტრუქტურაში მის მცხოვრებთა ადგილმდებარეობა. გარდა ამისა, სხვა მასალის არსებობის პირობებში სოფლის დასახლებისა და მის პირველმოსახლეთა ვინაობის გასარკვევად ფასეულია გადმოცემები, რომლებშიც ასახულია დასახლების ისტორია. არდოტში კი ცენტრალური (ქავის, საფიხვნოსა და ჯვარ-ჯვრისკრის მიმდებარე) უბნები უწინაც მურღვათ ეჭირათ და ამჟამადაც მათ უკავიათ. ანალოგიური ვითარებაა საზამთრო სამყოფელში – ბახაოში. ისტორიულად სოფლის შალმათა მხარე სალუქაურთ უბანს წარმოადგენდა, ცენტრალური კი – გორის ჩასწვრივ ციხიანი და მიმდებარე ადგილი მურღვათ მამიშვილობის ჩიტათა (ჩიტაშვილები) და თორღვათ (თორღვაშვილები) სამკვიდრებელი იყო. მურღვანი გვიან მოსულები რომ ყოფილიყვნენ, როგორც ამას სამოელ ზვიადური ფიქრობს, მაშინ მათ განაპირა ადგილები უნდა სჭეროდათ. საქმე ის არის, რომ არდოტში, როგორც ამას არაერთი გადმოცემა გვამცნობს, თავდაპირველად გუდანიდან წამოსული ჩვენი წინაპარი ჭინჭარაული გიორგი (მურ-

ღვა) მისულა სომხოს გორზე, სადაც ქისტებს არ მიუშვიათ. შემდეგ გადმოუნაცვლებია ციხიანთან, საიდანაც ქავში ასულა.

რაც შეეხება ზვიადურთა გვარის პირველმოსახლეთ, ისინი ჯერ სოფელთგორაზე დასახლებულან, მოგვიანებით კი, სალუქაურებთან დანათესავების შემდეგ (სალუქაურთ ქალი მიუთხოვებიათ), დღევანდელი განსახლების სტრუქტურიდან გამომდინარე, სოფლის იმავე კიდეზე დასახლებულან, საითაც სოფელთგორაა. ამის დასტურად შეიძლება მოვიყვანოთ მათივე წინაპრების ორი-ოდე მონათხრობი: „ძველი ჩვენი გვარი გიგაურია, შინაური გვარი მამად – ზვიადური. მცხეთელები ვართ, იქიდან მოსულები ვართ და მერე ბლოელ გიგაურებს შავყარეთ. არ-ქვაბით შაყრილები ვართ... მანგი რქმევი ჩვენ პაპას. იქიდან რომ წამოსულა, სამგან მდგარა ფშავ-ხევსურეთის არაგვზე. მერე შამოუვლავ და მუქოს დამდგარა, მათურასთანა. მერე იქიდან წამოსულა, არდოტთან ახლოს მოსულა და სოფლის გორში დამდგარა, რადგან არდოტში ადგილი არ ყოფილა...“ (ბასიერ ზვიადური, არდოტი, 1938, რ. ხარაძის არქ.). ანდა: „ზვიადურთ მამა-პაპა პირველად მცხეთით წამასულ და დამდგარ მუქუს. იმის შვილებს ხქვივნები ერთს გიგა (გიგაურნი), მეორეს – ნონკა (ნონკოლაურნი), მესამეს – ზვიედა (ზვიედაურნი).

ზვიედა წამასულ არდოტ და დასახლებულ სოფელთგორაზე. სოფელში არ მიუშვავ მურღვათ. მურღვათ რო იზარალეს (ჟამიანობისას - ნ. ა.), მერე გასულ ზვიედა სოფელთგორზეით არდოტში“ (თაძია ზვიადური, არჭილო, 1983. იხ. ზ. კიკნაძე, ანდრეზები, თბილისი, 2009, გვ.122-123).

მაშასადამე, ამ გადმოცემებიდანაც თვალნათლივ ჩანს, რომ ზვიადურთა წინაპრის არდოტში გამოჩენის დროისთვის სოფელი დასახლებული იყო გუდანიდან გადმოსული ჭინჭარაულებით, რომელზედაც მომდინარეობენ მურღვანი (მურღულები) და რომელსაც დღესაც ატარებს ამ გვარის ერთი ნაწილი. დროთა ვითარებაში ჭინჭარაულებიდან მომდინარე მურღვანი, თავის მხრივ, დაიშალნენ და ჩამოყალიბდა ახალი გვარები: ჩიტაშვილი, თორღვაშვილი, მურღოშვილი, სალუქაური. რუსიფიკატორული პოლიტიკის ძლიერი ზეგავლენით მურღული გაფორმდა მურღუევად (შდრ. რაზიკაშვილი > რაზიკოვი, ბარნაველი > ბარნოვი...), რაც დღემდე შემორჩა ზოგ მათგანს და მრავალი უსიამოვნებაც მოუტანა. ამჟამად ისეთი შემთხვევებიც დასტურდება, როცა ღვიძლ ძმებს სხვადასხვა (ერთს – მურღუევი, მეორეს კი – არდოტელი) გვარი მოეპოვებათ და, დღევანდელი გამრუდებული კანონმდებლობიდან გამომდინარე, არ შეუძლიათ ერთ გვარზე დაენერონ. ამჟამინდელმა კანონმდებლებმა ეგებ გაითვალისწინონ ასეთი სავალალო ვითარება და შეიმუშაონ უფრო მოქნილი კანონი, რომელიც ამ ნაკლს გამოასწორობდა.

ფილოლოგიის მეცნიერებათა
დოქტორი,
პროფესორი ნოდარ არდოტელი

ქართული ღვინის ხარისხზე ზრუნვა

ნაწყურფი კანდიდ ჩატჯიანის წიგნიდან „სტალინთან უბრალოდ უბრალოდ უბრალოდ“

ქართული მევენახეობისა და მეღვინეობისადმი სტალინი მუდამ ინტერესს იჩენდა. ხშირად იტყობდა ხოლმე: ჩვენს ღვინოებს და კონიაკს მსოფლიოში ბადალი იშვიათად მოეპოვებაო. იმონებდა და ცნობილ ფრანგ პროგრესულ მოღვაწეს პიერ კოტსაც, რომელსაც მასთან სტუმრობისას მოსწონებია კონიაკი „ენისელი“. ახლა საფრანგეთში კომერციამ ხარისხზე ზრუნვა ბევრს გადააყენა. იქ ერთი ბოთლი „ენისელისაგან“ ზოგიერთი ფირმა ორ ბოთლ კონიაკს გააკეთებდაო – უთქვამს პიერ კოტს. ასევე შეუქცია მას ქართული სამარკო ღვინოები. სტალინს კოტის აზრი ანგარიშგასანებდა მიაჩნდა: მისი მამა მევენახე და მეღვინე ყოფილა და ბაზარზე თურმე მზა ღვინოებითა და კონიაკებით გამოდიოდა.

პიერ კოტს, სხვათა შორის, მეღვინეობასთან დაკავშირებული, ასე ვთქვათ, პოლიტიკურ-ეთნოგრაფიული დოქტრინაც ჰქონია შემუშავებული. სტალინი სიცილით იგონებდა კოტის მტკიცების იმის შესახებ, რომ მევენახეობისა და მეღვინეობის დეპარტამენტებიდან გამოსული ფრანგი პოლიტიკური მოღვაწეები გულახდით, ხალისიან, ჰუმანურად ადამიანთა რიცხვს მიეკუთვნებიან და თითქმის გამოუკლებლივ ლიბერალები და პაციფისტები არიან.

–უანკარიე–ომი კი იყო ნორმანდიდან, სადაც ვაზი არ ხარობს, – „დაუსაბუთებია“ თავისი დებულება ფრანგ სტუმარს.

მეხსიერებაში ჩამრჩა სტალინის ამ ინტერესთან დაკავშირებული მრავალი მომენტი.

ზემოთაც მითქვამს, სტალინმა საქმიანი მიღების შემდეგ სადილზე ან ვახშამზე მიპატიჟება იცოდა. სერობას პოლიტიკურს ნევრების დიდი ნაწილი ესწრებოდა. სტუმრებში ხშირად რომელიმე საოლქო კომიტეტის მდივანი ან მინისტრი ეყო.

სტალინის აგარაკზე დიდად დახელოვებული ქართველი კულინარი რთველად მუშაობდა. ევროპულ, რუსულ და ქართულ სამზარეულოს ის ერთნაირად იყო დაუფლებული. რთველადემ თავიდანვე აულო ალლო სტალინის გემოვნებას და ზედმეტად რაფინირებულ საჭმელებს არ ამზადებდა. მაგიდაზე შემწვარი და მოხრაკული ხორცის კერძები სჭარბობდა. იყო შებოლილი და ახალი თევზი, სულგუნი, სხვადასხვა სახის ყველი, მწვანილი.

როცა მაგიდასთან მიგინვედნენ, მშრალი საჭმელი იქ უკვე ელაგა, იდგა ღვინო, კონიაკი, ხილის წყლები და ბორჯო. ცხელი კერძები კი მომტან ქალს რიგრიგობით შემოჰქონდა და მეზობელ მაგიდაზე დგამდა. ამ მომენტიდან თვითმომსახურება იწყებოდა: სუფრის თითოეული მონაწილე წამოდგებოდა, სამარაგე მაგიდასთან მიდიოდა და რაც და რამდენიც სურდა, გადმოიღებდა. მაგალითს ამ მხრივ თვითონ მასპინძელი იძლეოდა.

კერძებიდან თავისებური წვნიანი დამამახსოვრდა. ის არც რუსული შჩისა და ბორშჩს ჰგავდა, არც ევროპულ ნაზ სუპებს. ეს იყო მოხარული ახალგაზრდა პირუტყვის ძვალგამორჩეული ხორცი და კომბოსტო, მწვანელითა და სანელებლებით ზომიერად შეზავებული. კერძს „არაგვს“ ეძახდნენ, არ ვიცი მდინარის თუ ცნობილი მოსკოვური ქართული რესტორნის სახელწოდების

გამოგავრებით. კერძი იმდენად გემრიელი იყო, რომ ზოგი სტუმარი ორჯერაც გადაიღებდა ხოლმე.

სტალინის მაგიდაზე მხოლოდ ქართული სამარკო ღვინოები მოჰქონდათ, კონიაკიც მოყვარულთათვის აქ ქართული იყო. თვითონ სტალინი თითქმის ყოველთვის „თელიანს“ სვამდა, მაგრამ ცოტა-ცოტას, საარყე ჭიქით. იშვიათად მინახავს, რომ მას ღვინო ამ სასმელისათვის საყოველთაოდ განკუთვნილი ჭიქით დაელოდა.

ერთი ასეთი სადილის დროს სტალინი მოულოდნელად შემეკითხა:

–რატომ აღარ ჩანან ყვითელი კახური ღვინოები, ნუთუ საქართველოში შეწყდა მათი წარმოება და სულ ამ უფერული ღვინოების დაყენებაზე გადახედით?

–მართლაც, სად არის ის მშვენიერი ღვინოები, – ჩაერია ლაპარაკში ა. ჟდანოვი, რომელიც ქართული ღვინოებისადმი საერთოდ გულგრილი არ იყო, – პირველი მსოფლიო ომის დროს თბილისში ჩვენი ოფიცრობა ყვითელ ღვინოებს სვამდა. რამდენადაც მახსოვს, იმ ღვინოს „კახეტიას“ ეძახდნენ.

–ამხანაგო სტალინ, – ვუპასუხე, – კახეთში გლეხური მეურნეობები თეთრი ყურძნისაგან მხოლოდ მოყვითალო ღვინოებს აყენებენ. ასევე სახელმწიფო მრეწველობაში გამოშვებული ღვინოების 80 პროცენტი მაინც მოყვითალო შეფერილობისაა. თქვენს მაგიდაზე და ოფიციალურ ბანკეტებზე ის ღვინოები არ ხვდება. ქართული მეღვინეობის გვირგვინი ევროპული წესით დაყენებული ღვინოებია. თეთრებიდან ეს არის „წინანდალი“, „გურჯაანი“, ხოლო ნითლებიდან – „თელიანი“, „მუკუზანი“, „ყვარელი“. მასობრივი მომხმარებელი კახური წესით დაყენებულ ღვინოებსაც დიდად და, შეიძლება ითქვას, ზოგჯერ უფრო მეტადაც აფასებს, თუმცა ღირსებით ისინი სამარკოებს ჩამოუვარდებიან.

–მაინც რით განსხვავდება ევროპული ტექნოლოგია ქართულისაგან და რა აძლევს კახურ ღვინოს იმ ოქროსფერს? – შემეკითხა ისევ სტალინი, არ ვიცი, გამოსაცდელად (მან ამ მიზნითაც იცოდა კითხვების დასმა) თუ ნამდვილი ცნობისმოყვარეობით. მე კი ამ შეკითხვამ საბაბი მომცა მოკლედ დამეხასიათებინა ღვინის დაყენების ეს ორი წესი.

–ყველაფერი კარგია, – თქვა სტალინმა, – მაგრამ ევროპული ტიპის ღვინო რომ კახურად დაყენებულს ჯობდეს, ეს მაინც ვერ დაამტკიცეთ.

– ნება მომეცით, ამხანაგო სტალინ, მოგართვათ კახურად დაყენებული თეთრი ღვინის რამდენიმე ნიმუში, – ვუპასუხე, – თვითონ განსჯით, რამდენად მართალი ვარ.

როგორც კი დავბრუნდი საქართველოში, მოვამზადე კახურად დაყენებული თეთრი ღვინის სამი ნიმუში: ორი სამტრედიის გამოშვებული, ერთიც კახეთში ღვინის დაყენებით განთქმული კოლმეურნისაგან ნაყიდი და გავგზავნე.

სამი-ოთხი თვის შემდეგ საქმეების გამო მოსკოვში ჩავედი. სტალინი აგარაკზე ვინახულე და ჩემი საკითხები მოვახსენე. შემდეგ ყველაფერი ტრადიციულად წარიმართა: პოლიტბიუროს იქ მყოფი რამდენიმე წევრი და მე ვახშამზე მიგვიპატიჟეს. ვახშამი დასასრულს უახლოვდებოდა, მასპინძელი კი

გავზავნილი ღვინის ნიმუშებზე არაფერს ამბობდა. მე მათი ბედი ძალიან მაინტერესებდა, მაგრამ შეკითხვის მიცემა უხერხულად მივიჩნიე. ინფორმაციისათვის მივმართე ისევ ა. მიქოიანს, რომელიც ჩემ გვერდით იჯდა.

–მაგიდაზე რამდენჯერმე მოიტანეს, – მითხრა მან, – გულდასმით გავსინჯეთ და დავრწმუნდით, რომ ევროპულად დაყენებული ქართული სამარკო ღვინო ბევრად უფრო ხალისიანი ნაზი და სასიამოვნო ყოფილა.

როგორც ვთქვი, სტალინს „თელიანის“ მარკის ღვინო მოსწონდა. იგი ცნობილი ფრანგული ჯიშის ვაზის, კაბერნეს, ყურძნისაგან მზადდება. კაბერნე მხოლოდ წინანდლის მიკრორაიონებში იძლევა მაღალხარისხიან ღვინოს. სხვაგან მისი ღვინო ხარისხით არ გამოირჩევა.

ერთხელ, თუ არ ვცდები, 1944 წლის გაზაფხულზე, სტალინი შემეკითხა:

–რა რაოდენობით უშვებთ ყოველწლიურად „თელიანს“?

–ორ–სამ ათას დეკალიტრამდე, – ვუპასუხე.

–ჩვენი ბაზრისათვის ეს წვეთია ზღვაში. არ შეიძლება მეტი გააშენოთ ის ფრანგული ვაზი, რომ ხალხს ასეთი შესანიშნავი ღვინო მეტი მივანოდოთ? მე ყოველთვის ვფიქრობ, არაყი კარგმა სუფრის ღვინოებმა უნდა დაძლიონ.

–სწორია, ამხანაგო სტალინ, მაგრამ „თელიანის“ მომცემი ვენახების გაფართოება არ მოხერხდება.

–რატომ?

ჩემი პასუხის დასასაბუთებლად ზემოთ მოტანილი არგუმენტები მოვიშველიე და დავძინე:

–არათუ გაფართოება, ჩვენი საზრუნავი ახლა ისაა, რომ თელიანის ზვარი შევიწარმოოთ. ამ ძვირფას ნაკვეთს ნალექებით ემუქრება მდინარე კისისხევი. დიდი წვიმიანობის დროს მისი განიერი კალაპოტი ივსება დვარცოფით, რომელიც დამცავ ნაგებობებს მძიმე მდგომარეობაში აყენებს. ნაპირებს ვამარებთ, მაგრამ იმის გარანტია მაინც არ არის, რომ თელიანის ნაკვეთი მდინარის შემოტევას ყოველთვის დაუზიანებლად გადაურჩება.

– არ გქონიათ კარგად საქმე, – თქვა სტალინმა და იმ საღამოს თელიანზე სიტყვა აღარ ჩამოუგდია.

საუბარი სტალინისგან ჩვეულებრივი ცნობისმოყვარეობის გამოვლინებად ჩავთვალე და რაიმე სპეციალური ღონისძიება თელიანის ნაკვეთის დასაცავად და, მით უმეტეს, კაბერნეს ნარგავების გასაფართოებლად არ გავგვიტარებია.

1946 წლის დეკემბერია. ომი კარგახნის დამთავრებულია. ცხოვრება და სამეურნეო მშენებლობა ნორმალურ კალაპოტში დგება. საქმეებზე მოსკოვში ჩასულს სტალინთან შესახვერად აგარაკზე მიწვევენ. სტალინი პოლიტბიუროს რამდენიმე წევრის მონაწილეობით ჩემგან დაყენებულ საკითხებს იხილავს. შემდეგ კი ჩვეულებრივად მაგდასთან გვეპატიჟებიან.

ვანშმის დროს სტალინი მოულოდნელად კაბერნეს საკითხს უბრუნდება და ნახევრად ხუმრობის კილოთი მეკითხება:

–წაილო თელიანის ნაკვეთი წყალმა თუ ისევ ადგილზეა?

კითხვამ ორი წლის წინანდელი საუბარი გამახსენა და თან გამაკვირვა:

ნუთუ ამ კაცს, რომელსაც ომის დროს და ომის შემდეგაც თავს იმდენი საზრუნავი ეყარა, ის უმნიშვნელო საუბარი დაამახსოვრდა?

–თელიანს რა უნდა მოსვლოდა, ამხანაგო სტალინ, ის კვლავ თავის ადგილზეა, – ვუპასუხე.

–იმითომ გეკითხებით, – განაგრძო სტალინმა, – რომ თქვენ ერთხელ თქვით, შეიძლება ეს ვენახი იქვე ჩამდინარე ხევმა წალეკოს და თელიანის მარკის ღვინო აღარ გვექნებაო.

მხოლოდ ახლა გამახსენდა, რომ 1944 წლის საუბრის დროს სტალინს ამ შინაარსის შეკითხვაზე დადებითად ვუპასუხე.

–არა, ამხანაგო სტალინ, თელიანს წყალს არ გავატანთ. მას ბეტონის კედლით ვზღუდავთ და საიმედოდ ვიცავთ.

–იცავთ, ალბათ, მაგრამ რატომ ამ ერთ ნაკვეთს შესწერებხართ და კაბერნეს ვენახებს არ აფართოებთ? რატომ ასე ბრმად გვერათ საუფლისწული უწყების სპეციალისტების აზრის სისწორე? თვითონ თელიანის ნაკვეთის გარშემო ხომ არის მინის ფართობები, განა იქ იგივე ნიადაგი არ იქნება?! საერთოდ, ჩვენი მუშაკები ცდილობენ ზოგჯერ დოგმებს ამოეფარონ. ასე ცხოვრება უფრო იოლია. თელიანის წარმოების გადიდება, შეიძლება, არც ისე მნიშვნელოვანი პრობლემა იყოს, მაგრამ დიდ საკითხებშიც ვხვდებით ამგვარ მიდგომებს. უნდა მოვიშოროთ ყოველგვარი „განმტკიცებელი“ ჭეშმარიტების წინაშე ქედის მოხრის სენი, ისე წინ ვერ წავალთ. თქვენ კი გირჩევთ, – დააბოლოვა სტალინმა თავისი შეგონება, – თელიანში და მის მიდამოებში გამოძებნოთ შესაფერი ფართობები და გააშენოთ კაბერნეს ჯიშის ახალი ზვრები. მოელაპარაკეთ კვების სახალხო კომისარიატს და შეუდგეთ ამ საქმეს. ნახავთ, რომ თელიანის მარკის ღვინის წარმოება საქართველოში შესაძლებელია ბევრად გაიზარდოს.

სათქმელი არაფერი მქონდა, არგუმენტები ანგარიშგასანევი იყო.

სტალინი ყოველთვის კონკრეტულ და ნათელ დავალებებს იძლეოდა, მაგრამ მას ერთი ჩვეულებაც ჰქონდა: ზოგჯერ ამა თუ იმ აზრს მსჯელობის საგნად გახდიდა, სხვებსაც მოუსმენდა და შემდეგ დასკვნას გააკეთებდა, ოღონდ პირდაპირ არ გეტყოდა, რომ მიღებული დასკვნა სავალდებულოდ და განსახორციელებლად მიაჩნდა. პირველ ხანებში ეს გარემოება გაურკვეველ მდგომარეობაში მყენებდა. მალე კი დავრწმუნდი, რომ თუ საქმე პრაქტიკული ხასიათისა იყო, სტალინი ამ შემთხვევაშიაც სიტყვას ბანზე არ აგიგდებდა: კარგა ხნის შემდეგ გკითხავდა, ამა და ამ საკითხზე რომ ვისაუბრეთ, იმის გამო ზომები თუ მიიღეთ. ეს „კარგა ხანი“ ზოგჯერ წელიწადი და მეტიც შეიძლებოდა ყოფილიყო, ამიტომაც სტალინის ამგვარ წინადადებებსაც ადგილზე გულმოდგინედ ვსწავლობდით, მეტწილად ვახორციელებდით, ხოლო ზოგჯერ, თუ ეს არ ხერხდებოდა ან მიზანშეწონილი არ იყო, მორიგი შეხვედრისას ამასაც მოვახსენებდი.

სტალინმა კარგად იცოდა, რომ საქართველოში ბევრი სამეურნეო მნიშვნელობის ვაზის ჯიშია გავრცელებული. მისთვის ისიც ცნობილი იყო, რომ კახეთში ძირითადად კახური ჯიშებია კულტურაში, ქართლში

ქართული ღვინის ხარისხზე ზრუნვა

← — ქართული, იმერეთში — იმერული, რაჭაში, ლეჩხუმში, სამეგრელოში, გურიაში — ჯიშები, რომლებიც ნახევრადტკბილ ღვინოებს იძლევიან.

— მე არ მჯერა, — თქვა ერთი შეხვედრისას სტალინმა, — რომ ვაზის ჯიშების ასე მკაცრი დარაიონება გამართლებული იყოს. თუ ევროპული ვაზები ხეირობს კახეთში, ქართლში, ნუთუ დასავლეთ ქართული საუკეთესო ჯიშების აღმოსავლეთ რაიონებში გადმოტანა შედეგს არ მოგვცემს?

მე გადმოვალაგე მთელი ჩემი წიგნური საბუთები იმის შესახებ, რომ აღმოსავლეთ საქართველოს, განსაკუთრებით ქართლის, ვაზის მასობრივი ჯიშები პირველი და მეორე პერიოდების სიმნიფისანი არიან, კახეთში — მესამისა. ამიტომ ყურძენი შედარებით მოკლე სავეგეტაციო პერიოდში ასწრებს მოსვლას, დასავლეთ საქართველოში კი ვეგეტაციის ხანგრძლივობა უფრო დიდია, ყურძენს ერთი თვით, ექვსი კვირით გვიან კრეფენ. ეს დარაიონება თავისთავად, ბუნებრივად მოხდა. მევენახეობის საცდელი ნაკვეთების მონაცემებიც იმას მოწმობენ, რომ სხვა რაიონებში გადატანილი ჯიშები დაბალ მოსავალს იძლევიან — მათგან მიღებული ღვინოც არ არის ისეთი ღირსების, როგორც ძირითად რაიონებში.

ეს ყველაფერი თეორია, — მიპასუხა სტალინმა, — საცდელი ნაკვეთების მცირე მასშტაბის გამო მათი მონაცემებიც საბოლოო დასკვნის გამოსატანად საკმარისი არ არის. მიმაჩნია, რომ თქვენ ფართო სანარმოო ცდა უნდა ჩაატაროთ. დარგეთ გადმოტანილი ჯიშები 2—3—10 ჰექტარზე თითო რაიონში. განა ცუდი იქნება, რომ „ხვანჭკარა“, „ოჯალეთში“, „ჩხავერი“ აღმოსავლეთ საქართველოშიც ვანარმოოთ? საბჭოთა მომხმარებელი ხომ ეძებს ამ ღვინოებს მოსკოვში, ლენინგრადში, სხვა ქალაქებში, მაგრამ ვერ შოულობს. თქვენს ადგილას თეორიებს კი არ ამოვეფარებოდი, ფართო ცდებს მოვანყოფდი, იქნებ გაამართლოს.

ვეჭვობ, ამხანაგო სტალინ, რომ ამ

ცდამ გაამართლოს. სხვადასხვა მიკრორაიონში ერთი და იგივე ჯიშიც კი სხვადასხვა ხარისხის ღვინოს იძლევა. ეს მეღვინეობაში მტკიცედ დადგენილი ჭეშმარიტებაა. ალექსანდროული აღმოსავლეთ საქართველოში „ხვანჭკარას“ არ მოგვცემს, საფერავიდან დასავლეთ საქართველოში „მუკუხანი“ არ გამოვა.

ჭეშმარიტებას მექანიკურად ნუ გავიგებთ. ავიღოთ კახურნი. ეს ფრანგული ჯიშის კახეთში მშენიერ ღვინოს იძლევა. იქნებ კახეთშიაც მოიძებნოს მიკრორაიონი, სადაც ალექსანდროული კარგად იხარებს, კარგ ღვინოსაც მოგვცემს. გიცდიათ? არა, არ გიცდით. თქვენი თეორიით, ვაზის ჯიშების ერთი რაიონიდან მეორეში გადატანა არ შეიძლება. ასე რომ იყოს, ჩვენ არც კახურნი გვექნებოდა, არც ალიგოტე — თქვენ ამბობთ ქართლში კარგ ღვინოს იძლევათ, — არც მუსკატი, რომლისგანაც ყირიმში შესანიშნავი ღვინო დგება. პრაქტიკით უნდა შემოწმდეს, იხარებს თუ არა ესა თუ ის ვაზი სხვა რაიონში და მოგვცემს თუ არა იმ ჯიშის შესაფერის ღვინოს.

არაფერი მეთქმოდა. ასეთი ცდა ჩვენი მინათმობელების ორგანოებს, მართლაც, არ ჩაუტარებიათ. სტალინის მოთხოვნა სამართლიანი იყო და მეც აღვუთქვი, რომ უკვე იმავე წლის შემოდგომიდან ვაზის ჯიშებს მათთვის ახალ რაიონებში საცდელად დავრგავდით.

თუმცა ამ ცდების წამოწყება შეცდომად არ მიმაჩნდა, მაინც ვფიქრობდი, რომ უსახელოურის, ოჯალეთის, ჩხავერის აღმოსავლეთ საქართველოში, მეტადრე კახეთში, შემოტანა არაფერს მოგვცემდა. მსოფლიოში განთქმული კახური ვაზის ჯიშების ყურძნისაგან სუფრის ღვინოებთან ერთად, თუ მოვისურვებთ, ნახევრადტკბილი ღვინოების მიღებაც შეიძლება, მაგრამ არის კი ეს საჭირო? განა მიზანშეწონილია, რომ, მაგალითად, საფერავის მოსავალი, ისტორიულად ჩამოყალიბებული „ქინძმარაული“ გარდა, სხვა ნახევრადტკბილი ღვინოების დასამზადებლად იხარჯებოდეს? კახეთი უბადლო სუფრის ღვი-

ნოების მხარეა და ასეთ მხარედ უნდა დარჩეს.

— ეს ყველაფერი არ არის, — განაგრძო სტალინმა, — თქვენთან კულტურაში ძალიან ბევრი ჯიშია. ეს მრავალფეროვნება ბოტანიკისათვის კარგია, მაგრამ მეურნეობისათვის არ არის მისაღები. მხოლოდ საუკეთესო სამრეწველო ჯიშებს უნდა აშენებდეთ. მეღვინეობაში ხარისხია გადამწყვეტი. უჯიშო ვაზი კი ხარისხიან ღვინოს არ მოგვცემთ. მე, მაგალითად, მეუბნებიან, რომ ქართლში გავრცელებულია რაღაც ქინწურა — ჰიბრიდული ჯიშია. ღვინო არაფრად ვარგა, ყურძენს მრეწველობა არ ყიდულობს, ვაზს კი ათასეულ ჰექტარობით მინა უკავია. უნდა შევცვალოთ ეს ჰიბრიდები ხარისხოვანი ვაზით.

— ამხანაგო სტალინ, ქართლის რაიონებში ქინწურას ნარგაობა საკარმიდამო ნაკვეთებზე აქვთ. გლეხები მის ღვინოს არ ნუნობენ. ამავე დროს ვაზი მავნებლებსა და ავადმყოფობებს უძლებს. არც საძირზე გაშენება სჭირდება, არც მენამგლა. კოლმეურნეები ჰიბრიდებს ადვილად არ შეეღვინიან.

— თქვენ ამბობთ, გლეხები ჰიბრიდების ღვინოს არ ნუნობენო. გლეხების გემოვნებას მაინცდამაინც ნუ დაუჯერებთ. მახსოვს, ქართლში ღვინოს ზოგიერთი გლეხი არაყს უმატებდა შესამარებლად, ზოგი კიდევ სიძელგისაგან თამბაქოსაც შიგ ჩაყრიდა, მაგრამ ეს ხომ ღვინო არ არის. საკარმიდამო ნაკვეთებზეც კულტურული ვენახი უნდა გქონდეს. თქვენ წინასწარ ნუ გადაწყვეტთ, რომ გლეხები ქინწურას არ დათმობენ. ხელი შეუწყვეთ ტრაქტორებით პლანტაჟის გაკეთებაში, მიეცით სარგავი მასალა და ნახავთ, თუ კოლმეურნი ხარისხოვანი ვაზის გაშენებას არ არჩევს.

— ამხანაგო სტალინ, ტრაქტორებით, საპლანტაჟე გუთნებით, სანვავით დახმარება დაგვჭირდება. ვენახების გაშენების ისედაც დიდი გეგმები გვაქვს. გამოყოფილი რესურსებით ამდენს ვერ შევძლებთ.

— ცხადია, დაგეხმარებით, — შემპირდა სტალინი და მევენახეობაზე საუბარ-

იც მაშინ ამით დამთავრდა.

ომის დროს ვენახები სერიოზულად დაზიანდა; შხამ-ქიმიკატების უქონლობისა და მუშახელის სიმცირის გამო ვაზს მოვლა დააკლდა, ბევრგან ის დასუსტდა და ნაწილობრივ სულ დაიღუპა. უფრო მეტად საკარმიდამო ვენახები დაზარალდნენ. სწორედ იმ ხანებში, როცა სტალინთან ზემოთ მოტანილი საუბარი შედგა, რესპუბლიკაში მევენახეობის განვითარების ხუთწლიან გეგმას ვამზადებდით. სტალინის მოსაზრებები გეგმის პროექტში გავითვალისწინეთ. გეგმა 1946 წლი სოქტომბრის ბოლოს დამტკიცდა. ადრინდელი გეგმებისაგან განსხვავებით, ახლა რაიონებს ვენახების გაშენების დავალბა ჯიშების მიხედვითაც მიეცა. გეგმაში შევიდა ზოგიერთი დასავლეთ-ქართული ვაზის ჯიშის აღმოსავლეთ რაიონებში საცდელად გაშენება: 1947—1948 წლებში ჩხავერი აქ უნდა დარგულიყო 45 ჰექტარზე, ოჯალეთში — 25 ჰექტარზე, უსახელოური — 18 ჰექტარზე. ალექსანდროულის ნარგავები კახეთში და ქართლში მანამდისაც იყო.

ცდამ, როგორც ჩანს, შედეგი ვერ გამოიღო. მეოთხე ხუთწლიის დავალბა დასავლური ჯიშების რესპუბლიკის აღმოსავლეთ რაიონებში ინტროდუქციის შესახებ არ შეიძლებოდა არ შესრულებულიყო. მიუხედავად ამისა, 50-იანი წლების შუა ხანებისათვის ქართლსა და კახეთში აღირიცხა: ოჯალეთში — სულ 1,97 ჰექტარი, უსახელოური — 0,43, ალექსანდროული 3,58 ჰექტარი. ჩხავერის კვალი აქ უკე ეალარ ჩანდა.

ქართული მევენახეობისა და მეღვინეობის ზოგიერთი საკითხი სტალინის აგარაკზე სუფრასთან წამოიჭრებოდა და კიდევაც წყდებოდა. ეს გასაგები უნდა იყოს. იქ მაგიდაზე ქართული ღვინოები იდგა და მართო ეს გარემოება საკმარისი იყო მათ წარმომავლობაზე, ხარისხზე, სამეურნეო მნიშვნელობაზე საუბრის წამოწყების მიზეზი გამხდარიყო, მაგრამ ამ თვალსაზრისით ჩვენი ღვინოების საკითხი გამოწვევის არ შეადგენდა. აქ ბევრ, გაცილებით უფრო მნიშვნელოვან პრობლემებზე იყო სჯაბაასი.

აკითხველთა საყურადღებოდ!

მონოდებული მასალების შინაარსზე და ფაქტების სისწორეზე რედკოლეგია პასუხს არ აგებს.

ყველა საგვარეულო კავშირს, ყველა წინამძღოლს, ყველას ვინც ერთგულია საგვარეულო მოძრაობის, ვინც საკუთარი გვარის პატრიოტია

გთხოვთ ითანამშრომლოთ გაზეთ „გვარი და ტრადიციასთან“, მოგვანოდეთ მასალები (სტატიები, ინფორმაციები, ფოტოები) საგვარეულო კავშირების შესახებ, საგვარეულო მოძრაობის, საქართველოს დემოგრაფიულ და სოციოლოგიურ, აგრეთვე ეროვნულობის და მართმადიდებლობის შენარჩუნებისა და განმტკიცების პრობლემატურ საკითხებზე, ვიზრუნოთ საგვარეულოთა კავშირის „გვარი და გვარიშვილობის“ და გვარის წინამძღოლთა დარბაზის მატერიალურ-ფინანსურ და ტექნიკური ბაზის განმტკიცება განვითარებისათვის. მასალები გამოგვიგზავნეთ E-mail: vaja39@mail.ru

ISSN 2449-2280
გაზეთის ელექტრონული ვერსია იხილეთ: www.dspace.nplg.gov.ge

ჩვენი რეკვიზიტებია:

სრულიად საქართველოს გვარის წინამძღოლთა დარბაზის ფონდი
ს/კ 404953154
ბანკი: „რესპუბლიკა“ ბანკი
ა/ა GE51BR0000010385861378

მისამართი: ქ. თბილისი, წმინდა სამების საკათედრო ტაძარი

საკონტაქტო ტელეფონები:

790770871; 593 531 950

სარედაქციო კოლეგია

ლევან ფრუჩია
ვაჟა ნადირაშვილი ტელ: 599 90-26-01
თინათინ მანუჩარაძე ტელ: 599 97-41-90
მერაბ ლეკვიშვილი ტელ: 577 41-02-00
ნინო სულამანიძე ტელ: 592 12-34-56

მისამართი: ქ. თბილისი, წმინდა სამების საკათედრო ტაძარი
საკონტაქტო ტელეფონი: 790770871